

Na osnovu člana 9. Pravilnika o vrstama vlastitih javnih prihoda u FBiH ("Službene novine Federacije Bosne i Hercegovine" broj: 104/22) i tačke 9.6. Pravilnika o načinu uplate pripadnosti i raspodjele javnih prihoda u FBiH ("Službene novine Federacije Bosne i Hercegovine" broj: 54/20, 55/20, 63/20, 88/20, 28/21, 56/21, 83/21, 01/22, 34/22, 57/22, 76/22, 93/22, 94/22, 10/23, 37/23 i 81/23), Upravni odbor Univerziteta u Zenici, uz saglasnost Vlade Zeničko-dobojskog kantona, na 03/24 sjednici, održanoj 01.07.2023. godine donosi

PRAVILNIK o vrstama, namjeni, načinu raspodjele i trošenja vlastitih prihoda

DIO PRVI – OSNOVNE ODREDBE

Član 1.

(Predmet)

Ovim Pravilnikom uređuju se vrste, namjena, način raspodjele i trošenja vlastitih prihoda Univerziteta u Zenici.

Član 2.

(Vlastiti prihodi)

Pod vlastitim prihodima Univerziteta u Zenici podrazumijevaju se prihodi koje Univerzitet ostvari obavljanjem aktivnosti na tržištu i u tržišnim uslovima, u skladu sa kriterijima utvrđenim članom 4., 5. i 6. Pravilnika o vrstama vlastitih javnih prihoda u Federaciji Bosne i Hercegovine.

Pod vlastitim prihodima ne podrazumijevaju se prihodi koje Univerzitet ostvari obavljanjem osnovne djelatnosti propisane Zakonom ili drugim propisima o osnivanju Univerziteta za koje stiče prihode od osnivača, kao ni prihodi ostvareni u internom poslovanju između budžetskih korisnika Zeničko-dobojskog kantona, te između organizacionih jedinica Univerziteta.

Član 3.

(Način uplate)

Prihodi iz člana 2. stav 1. ovog Pravilnika uplaćuju se na Jedinstveni račun Trezora Zeničko-dobojskog kantona u skladu sa tačkom 9.6. Pravilnika o načinu uplate pripadnosti i raspodjele javnih prihoda u FBiH ("Službene novine Federacije Bosne i Hercegovine" broj: 54/20, 55/20, 63/20, 88/20, 28/21, 56/21, 83/21, 01/22, 34/22, 57/22, 76/22, 93/22, 94/22, 10/23, 37/23 i 81/23).

Član 4.

(Planiranje rashoda)

Univerzitet u Zenici je dužan na osnovu planiranih vlastitih prihoda planirati i rashode koje će pokriti iz tih prihoda.

DIO DRUGI – VRSTE VLASTITIH PRIHODA

Član 5.

(Vrste vlastitih prihoda)

U vlastite prihode koje ostvaruje Univerzitet u Zenici i organizacione jedinice Univerziteta, spadaju:

- prihodi ostvareni izdavanjem naučno-istraživačkih i stručnih radova; *(evidentirani na kontu 722652 – Vlastiti javni prihodi od realizacije aktivnosti naučno-istraživačkog rada, izrade elaborate, studija, evaluacija, ekvivalencije, ekspertiza i drugih stručnih usluga)*
- prihodi ostvareni od organizovanja seminara, naučnih skupova, konferencija i slično: *(evidentirani na kontu 722653 – Vlastiti javni prihodi od realizacije stručno-edukativnih aktivnosti i drugih oblika javnog istupanja)*
- prihodi ostvareni od pružanja usluga i prodaje roba i proizvoda trećim licima; *(evidentirani na kontu 722651 – Vlastiti javni prihodi od prodaje usluga, pristupa i korištenja)*
- prihodi od izdavanja stručnih časopisa, publikacija i slično; *(evidentirani na kontu 722652 – Vlastiti javni prihodi od realizacije aktivnosti naučno-istraživačkog rada, izrade elaborate, studija, evaluacija, ekvivalencije, ekspertiza i drugih stručnih usluga)*
- prihodi ostvareni od redovnog samofinansirajućeg studija, vanrednog studija, postdiplomskog studija, doktorskog studija, izrade i odbrane magistarskih i doktorskih radova, prodaje upisnog materijala, izrade nastavnih planova i programa, nostrifikacije diploma, izdavanje prijepisa, izdavanje ispisnica, članarina, prodaje prijave i slično; *(evidentirani na kontu 722656 – Vlastiti javni prihodi od pružanja usluga cikličnog obrazovanja, škole u prirodi, produženog boravka u školama, školarina, upisnina i slično)*
- prihodi ostvareni od izdavanja poslovnih prostora u zakup; *(evidentirani na kontu 722642 – Vlastiti javni prihodi od iznajmljivanja poslovnih prostora)*
- prihodi od naknada za smještaj studenata u Studentski centar i korištenje usluga Studentskog centra; *(evidentirani na kontu 722659 – Vlastiti javni prihodi od ostalih aktivnosti)*
- ostali prihodi *(evidentirani na kontu 722659 – Vlastiti javni prihodi od ostalih aktivnosti)*

DIO TREĆI – NAMJENA, NAČIN RASPODJELE I TROŠENJE VLASTITIH PRIHODA

Član 6.

(Namjena korištenja vlastitih prihoda)

Vlastiti prihodi iz člana 5. ovog Pravilnika koriste se za pokriće izdataka nastalih obavljanjem poslova iz kojih proizilaze ti prihodi, a ostatak na kapitalne izdatke Univerziteta u Zenici.

Vlastiti prihod koji ostvari organizaciona jedinica raspoređuje se na način da 5% prihoda pripada Rektoratu Univerziteta u Zenici, a 95% ostvarenog prihoda pripada organizacionoj jedinici.

Član 7.

(Odgovornost budžetskog korisnika – JU Univerzitet u Zenici)

Univerzitet u Zenici je odgovoran za blagovremenu naplatu potraživanja po osnovu vlastitih prihoda iz člana 5. Pravilnika, kao i poduzimanje svih mjera za njihovu realizaciji.

Član 8.

(Povrat i preknjiženje pogrešno ili više uplaćenih vlastitih prihoda)

Povrat pogrešno ili više uplaćenih vlastitih prihoda Univerziteta vrši se u skladu sa Pravilnikom o procedurama za povrat više ili pogrešno uplaćenih javnih prihoda sa Jedinstvenog računa Trezora Zeničko-dobojskog kantona („Službene novine Zeničko-dobojskog kantona " broj: 6/05, 8/12 i 6/23).

Član 9.

(Raspodaganje vlastitim prihodima)

Sredstvima organizacione jedinice raspodaje rukovodilac te jedinice i bez njegove saglasnosti nije moguće raspodagati prihodima organizacione jedinice, u skladu sa zakonom, statutom i usvojenim finansijskim planom visokoškolske ustanove.

DIO ČETVRTI - ZAVRŠNE ODREDBE

Član 10.

(Stupanje na snagu)

Pravilnik stupa na snagu danom pribavljanja saglasnosti od strane Vlade Zeničko-dobojskog kantona.

Broj: 01-01-1-4017/24
Zenica, 01.07.2024. godine

PREDSJEDNIK UPRAVNOG ODBORA

Prof. dr. sc. Suvad Isaković